

D E
DIVISIONE PH

GENES. X. 25
DISSERI

SIMVLQVE
V I R I
CLARISSIMIS DOC
CHRISTIANO W
THALEMA

ET
AVGVSTO FR
LANGHEINR

SVM MOS IN PHILOSOP
LIPSIAE D. XII. FEBR.

ACCEPTOS
EORVM NOM
QVI SVB PRAESIDIO VIRI SVM
D. IO. CHRISTIANI HE

S. S. TH, P. O. REL
DISPV TANDO, MAXIME AD LIB
SE EXERCEN

GRATVLATVR
IOANNES CAROLVS

EVTTSTAD. THVR

L I P S I A
EX OFFICINA LANGEN

E
PHALEGICA

S. X. 25

ERIT

LQVE

R I S

DOCTISSIMIS

WILHELMO

MANNO

T

FRIDERICO

INRICHIO

OSOPHIA HONORES

. FEBR. CIOIOGGL

EPTOS

NOMINE

VIRI SVMME REVERENDI

I HEBENSTREITII

P. O. REL

AD LIBROS SYMBOLICOS

ERCENT

VLATVR

AROLVS KREBS

AD. THVR

S I A E

LANGENHEMIANA.



Saepius est superioribus saeculis a Doctissimis Viris agitata,
 de gentium Americanarum origine, quaestio, in eo posita,
 quamam via ex nostro orbe in incognitum, et a no-
 stro immensum quantum remotum, peruenerint. Et pro-
 fecto, cum sacrarum literarum obstet auctoritas, quomi-
 nus earum originem aliunde repetamus, quam a Noachi posteris, quem
 vnum parentem, auctoremque totius post diluuium generis humani per-
 hibent; Americam autem vastus oceanus a Veteri Orbe distineat: digna
 sane erat quaestio, digna materia, quam doctiores tractarent manus.
 Itaque multi iique doctissimi Viri, ad hoc certamen quasi conuocati,
 omnes ingenii sui iudiciiue vires intenderunt, vt tam nobilis victoriae
 gloriam reportarent. In eo autem certamine omnes fere pugnarunt
 sic, vt alter alterius coniecturas, (in hoc enim genere vix est, vt su-
 pra probabilitatem possis exfurgere) infirmas plerumque ac debiles,
 euerteret, et aliarum ruinis suam, tanquam tropaeum, superstrueret.
 Animus nunc non est, omnes Doctorum Virorum, innumeras prope
 illas, opiniones, et, quae vnamquamque premant, quae plane oppri-
 mant, difficultates, hic commemorare, praesertim, cum Doctiss. La-
 tius, Libro de Gent. Americ. Orig. adu. Grotium, hoc labore satis diligen-
 ter functus sit. Hoc vero pro certo poni a me posse arbitrer, maxi-
 mis, neque facile tollendis, vnamquamque earum difficultatibus laborare.
 Quo minus improbandum est, si quis de noua minusque impedita ra-

IV

tione cogitauerit. Atque eam protulisse videatur Celeb. VIRIO. ALBERTVS BENDELIVS, qui quidem in ordine Temporum p. 54. et 167. ex loco Moſis Gen. X. 25. ſtatuit, Americam, olim Europae Africaeque coniunctam, aliquando ingenti inundatione et terrae motu a reliquo orbe diuiſam eſſe atque ſeiunctam. Quae ratio cum legenti mihi et nouitate ſua, et facilitate quadam, commendare ſe probareque videretur, animum ſubiit, paulo accuratius eam conſiderare, et quae pro confirmanda ea, inſirmandaue poſſent dici, videre. Iam cum hic dies VESTER, VIRI DOCTISSIMI, quo ſummi VOBIS honores, diu iam diligentiae VESTRAE et doctrinae elegantiori debiti, ab Ampliſſimo Philoſophorum Ordine deferuntur, poſtularer a nobis laetitiae noſtrae et amicitiae aliquod in vos documentum; exhibendi autem illius prouincia, felici quodam meo fato, ad me eſſet delata: hanc quidem non nego cum inſigni voluptate a me eſſe ſuſceptam, partim, vt VOBIS, AMICI SVAVISSIMI, animum meum amiciffimum probarem, et Summe Venerandi Praeſidis Amicorumque de me iudicio et voluntati obtemperare, partim, vt, quae ſuper Doct. BENDELII ſententia in vtramque partem cogitauiſſem, proferrem. Cum enim verer, ne aut gaudiu noſtri voluptatisque veritatem longiori oratione ſuſpectam redderem, aut ampliori laudum VESTRARVM explicatione aures VESTRAS modeſtiamque offenderem: non male facturum me eſſe putabam, ſi de hac re, VOBIS fortasſe non ingrata, certe non aliena a VESTRIS ſtudiis, diſſererem. Quae itaque TECUM quidem, DOCTISSIME THALEMANNE, AMICE CARISSIME, nuper priuatim communicauī, in hanc Viri Docti, de Diuiſione Phalegi tempore facta, ſententiam cogitata mea, ea, hoc die VESTRO, publice limatiſſimo VESTRO VTRORVMQUE iudicio, liceat ſubiicere. In ea autem re ita verſabor, vt, primo, quaecunque aliquam pro ea defendenda vim habere putem, quantum poſſim, proferam: deinde vero, quae contra moneri poſſint, pariter exponam. In magna inprimisque iucunda felicitatis meae parte habebo, ſi VOBIS haec qualiacunque non improbata fuiſſe videro.

Cl. igitur BENDELIVS ſententiae ſuae praefidium collocat in loco Geneſeos X. 25. vbi Moſes auctor eſt, natos eſſe Ebero duos filios, quorum alteri nomen fuerit Peleg, *quod in diebus eius terra diuiſa ſit*. Verba haec ſunt: *וַיִּבְרַח יֵרֶם שְׁנֵי בָנָיו. שֵׁם הָאֶחָד פֶּלֶג כִּי בַיָּמִין נִפְלְגָה הָאָרֶץ* Quod ſi Vir D. ſuam ſententiam, quam pauciſſimis verbis indicauit

cavit potius, quam explicauit, vellet vberius curatiusque exponere, sic fortasse, nisi fallor, diceret. Fingite enim, VIRI DOCTISSIMI, aut, BENGELII sententiam eandem esse meam; aut potius, illum per me, tanquam interpretem, vobis cum loqui: certe, quae pro hac sententia commendanda dici possint, me nunc exponentem audite.

Interpretes igitur omnes verba haec ita capiunt, vt Diuisionem linguarum atque gentium, circa tempus exstructae turris Babylonicae factam indicari putent, atque adeo pro eadem habeant Diuisionem Phalegianam et Dissipationem Babylonicam, seu Patriarchalem. Namque ii etiam, qui diuisionem Pelegianam a Noachica distinguunt, vt Marshamus, Fr. Spanhemius aliique, in eorundem censum veniunt; vt qui secessionem Noachicam priorem Babylonicam, quam iidem etiam Phalegianam appellant diuisionem, fuisse existiment. Quod si communis Interpretum consensus indubitatum semper esset veri indicium, haec sane opinio omnium iudicanda esset certissima. Sed quamuis perpetuo Doctiss. Virorum consensu nitatur, nihilo tamen minus, vt mihi quidem videtur, a vero illa est remota; videnturque egregie falli, qui Dissipationem Babylonicam, male cum diuisione, facta Phalegi tempore, mixtam verbis נפלגה הארץ indicari opinantur. Quid enim? si voluit Moses per hanc Diuisionem, factam Natalibus. Phalegi indicare diuisionem aliquam politicam aut genealogicam, quinam factum est, vt, cum in aliis locis omnibus, vbi de Dispersione Babylonica et Secessione Patriarchali sermo esset, semper iisdem verbis uteretur, in hoc vno loco nouum atque insolens adhiberet? De familiarum enim diuisione semper dicentem, aut פרוץ, vt Cap. XI. 4. 8. 9. IX. 19. aut פירר, Cap. X. 5. 18. 32. et vbicunque de ea loqueretur, v. c. Gen. XLIX. 7. Deuter. XXXII. 8. etc. quid tandem mouit, vt in hoc vno, quod de diuisione Phalegica agit, commate 25. longe aliam vocem, פלג, poneret? Quid ei scriptori accidisse putabimus, qui, si in argumento, quod saepius repetat, iterum iterumque retractet, vsitatis et quodammodo familiaribus verbis utatur, statim in aliquo loco, tamquam de via, declinet, et vocem, a qua ceteroquin omnino abstinet, repente et nullo plane consilio adhibeat? Quam igitur huius mutationis aliam rationem afferas, nisi hanc, vt dicas, voluisse Mosen non eam rem, quam alias verbis vsitatoribus exprimit, dispersionem dico Babylonicam sed aliud designa-

VI

re, ab illa diuersum? Quod etiam mouisse quosdam Eruditos fatetur Perizonius, Or. Babyl. p. 372. vt aliud quid indicari potius putarent, quam illam e terra Sinear dispersionem: et fuisse, ait, Theologum Celebrem, qui duplicem secessionem tueretur, hoc vel maxime nixus argumento. Neque forsan abs re fuerit, etiam hoc adicere, quod *ol* LXX. cum voces פָּרָץ et בָּרַר semper iisdem verbis, modo διασπαρῆναι, modo ἀποσπῆναι redderent, ad vertendum פָּרַץ, διαμεσπορῆναι adhibuerint. Quid aliud hinc colligas, quam, Alexandrinos etiam Interpretes פָּרַץ intellexisse ita, vt aliud quid, quam vocibus פָּרָץ et בָּרַר, indicari putarent. Nempe dubitare quenquam nullo modo sinunt diuersae istae voces, diuersum esse a Dispersione Babylonica, quod de Phalego Moses tradit. Mirabimini, VIRI ERUDITISSIMI, quomodo tandem factum sit, vt omnium tamen temporum Interpretes in hac explicatione cōspirarent. Sed facilis fuit ea in re errandi locus. Scilicet induxit eos hoc, quod statim capite sequenti fusius exponeretur dispersionis Babylonicae ratio: quam cum scirent non diu ante Phalegum accidisse; vti vel inde colligi potest, quod Nimrodus, turris et regni Babylonici condendi auctor, tertius fuit a Noacho, Phalegus autem quintus, siue interposito, ex ratione graeca, Cainane, sextus; hoc itaque cum scirent, eam ipsam dispersionem a Mose etiam hic indicari putauerunt. Hanc autem sententiam interpretationemque cum Veteres Interpretes, Iudaei, protulissent, eam, quia se facilitate sua facile commendaret, probatam ideo Priscæ Ecclesiae Doctoribus, Recentiores deinde Interpretes omnes receperunt, sic, vt nunc verae et legitimæ locum auctoritatemque obtineat. Non autem fuisse hanc Mosis mentem, cum verba ista scriberet, ex iis, quæ modo dicta sunt, satis apparere puto.

Iam igitur quaeritur, verbis his nouis et insolitis נִפְלְגָה הָאָרֶץ quid noui et insoliti Moses significare voluerit? Nempe verborum istorum haec vis et potestas est, vt, non dispersionem gentium, sed magnum terrae discidium, irruentium aquarum vi et eluuiæ, paulo ante quam nasceretur Phalegus, cui nomen inde venit, constitutum, declarare videantur. Quam sententiam, vt VOBIS, VIRI PRUDENTISSIMI, probem, cum ea sit firmissima ac verissima explicatio, quæ nitatur vsu loquendi, et in qua demonstrare possis, vulgo adhibita esse vocabula eo sensu, quo tute explices, video nihil prius mihi antiquiusue ducendum

dum esse, quam ut ostendam, hanc interpretationem vocem פֶּלֶג admittere. Atque tantum abest, ut eam recuset, ut potius mirifice commendet, immo vnice exigat. Eiusmodi enim *terrarum diuisionem*, indicat haec vox, *qua terra aquarum interlunio debiscit, et in partes diuersas scinditur*. Perspicue patet hoc ex Iobi Cap. XXXVIII. 25.

הַפֶּלֶג לַשֵּׁטַף תַּעֲלֶה מִי־פֶלֶג *quis diuisit inundationi canalem?* Iam si Dauid Ps. LV. 10. orat, אֲבֹרְכֶה לְפָנֶיךָ אֱלֹהֵינוּ *absorbe, Domine, diuide linguam eorum*: quis non intelligit, tanquam Synonyma poni פֶּלֶג et בֹּרֶךְ, ut בֹּרֶךְ sit effectus verbi פֶּלֶג, tanquam causae; et sensum esse hunc: plane tolle e medio, o Domine, maledicos et inimicos meos, ita ut terrae hiatu aquarumque voragine absorpti videantur.

Apud Chaldaeos autem et Talmudicos haec vox adhibetur ita, ut dimidiare, et in duas partes per medium secare, significet. Apud Danielelem II. 4. occurrit מַלְכוּת פְּלִיגָה *regnum dimidiatum*.

Ducitur inde פֶּלֶג, quod Syri פֶּלְגָא efferunt, *dimidium, medium*. De voce Syriaca testatur vicus quidam, Phalga nomine, apud Euphratem, qui nomen traxit non a conditore, ut quidam putant, Phalego, sed quod medius inter duas Seleucias, Pieriam atque Babyloniam, interiacet.

Docet hoc ex Arriano Stephanus in voc. Φάλγα; κώμη μέση σελευσίας τῆς περσίας καὶ τῆς ἐν μεσοποταμίᾳ. Ἀρριανὸς ἐν ἰ παραθικῶν. ἡ δὲ Φάλγα γλῶσση ἐπιχωρίῳ τὸ μέσον δηλοῖ.

Vocis autem Chaldaicae eandem esse vim, probat Daniel VII. 25. vbi dicitur פֶּלֶג עֶרֶן *ἡμισυ καιρῶ*, id quod XII. 7. per צִיָּה exprimitur.

Atque haec vocis notio mouisse videtur Suidam, aut quemcunque is descripsit, ut nouam nobis interpretationem rationemque nominis Phalegi fingeret.

Dicit nempe, ab Adamo vsque ad Natales Phalegi annos effluxisse MMM, (graecam videlicet Chronologiam sequitur) totidemque a nato Phalego vsque ad Christi aduentum:

Nomen itaque putat hoc Phalego imposuisse patrem, quia prophetico spiritu praeuideret, illud tempus, quo nasceretur Phaleg, esse ipsum dimidium siue medium aetatis mundi vsque ad Christum.

Verba eius haec sunt: Φαλὲν κατὰ τὴν προφητικὴν Φωνὴν τὸ ἡμισυ λέγει τὴν χρόνον τῆς χριστοῦ παρουσίας. Ἀπὸ γὰρ Ἀδάμ μέχρι τῆς κατακλυσμῶς ἐπὶ Νῶε ἔτη βσμβ. ἀπὸ δὲ τῆς κατακλυσμῶς ἐπὶ τῆς Φαλὲν ἔτη ψνη, ὡς γίνεσθαι ἔτη τρισχίλια· ἀπὸ γὰρ κτίσεως κόσμου μέχρι τῆς ἀναλήψεως τῆς κυρίας ἡμῶν Ἰησοῦ Χριστοῦ ἔτη ἑξακισχίλια.

VIII

Cum etiam verbi aliqua significatio egregie possit stabiliri sic, si adducantur voces, quae ab eo descendant, nativamque notionem tueantur, quid magis potest conferre ad confirmandam eam, quam dixi, verbi פלג vim, quam, quod ab isto fonte deriuatur, nomen פלג *riuus*; quod quidem terrae, aquarum alueo perruptae, notionem clarissime confirmat. Non minoris euidentiae argumentum ex lingua graeca peti potest, vbi nota est vox πέλαγος, quae extra controuersiam ex Ebraica lingua originem duxit, quicquid contra ineptiant Graeculi, qui absurde prorsus ex graeco τῆς γῆς, vt sit pro τήλαγος, aut ex τῶ μὴ πέλας γῆς descendisse iactant, notati eo nomine etiam Casaubono ad Strabon. L. 1. p. 30. Longe rectius ducit Clericus, ad Hesiod. Theog. v. 131. e lingua Phoenicia, vbi פלג est *alueus*, in quem aqua deriuatur. Quid? quod פלג non modo *riuus* et fluuius, sed ingentes etiam *aquarum rupturas* significant? Sic Targum Ionathanis verba Esaiæ XXII. 9. ita vertit וַיִּתֵּן בְּיָדוֹ פְּלִיגָה קְרָתָא דְּרִירָא, vbi vox פלוגתא respondet voci Ebraici textus בקיע i.e. fissurae. Hinc fit, vt ol LXX. vocem hanc modo ὄρμην ὑδάτων, vt Prouerb. XXI. 1., modo ὄρμημα, vt Ps. XLV. Ebr. XLVI. v. 5. modo ὑδωρ φερόμενον vertant, h. e. aquam vehementi motu agitatam, apud Esaiam puta, XXXII. 2. Aquila vero ἐντρίναγμα, *concussionem*. Ex his igitur manifesta esse et euicta videtur ea vocis פלג vis; et potestas, vt in nostro loco per verba נפלגה הארץ nihil aliud intelligatur, quam quod ingenti vndarum, vehementique impetu maximum terrae discidium factum sit. Atque haec interpretatio vnice probata est Summo Loescherō, τῶ νῦν ἐν αἰγλοῖς, in Historia Arcana Veteri, praemissa Humphredi Prideaux Hist. Sacrae cum Profana connexae, p. 30. Dicit enim male suas partes egisse Interpretēs, qui verba מִסְפַּח הָאָרֶץ de Dissipatione gentium per terras explicarent, clarissime docente verbo פלג, factam esse eam diuisionem ingenti aquarum inundatione, qua terrae ruptae diuiderentur. Premere quidem hancce sententiam videri possit id, quod affert Doctissimus Perizonius in orig. Babyl. p. 372. vbi Discesionem Babylonicam et Diuisionem Phalegicam esse eandem, inde probare nititur, quod Iudaei, Aben Ezra puta, Auctor τῶ Seder Olam et alii, Disperisionem, e confusione linguarum ortam, interdum etiam הפלגה appellant: verum vos, AMICI DOCTISSIMI, non magnopere, opinor, commouebit haec ratio, cum facile perspiciatis, ita potius

potius argumentandum esse: Iudaeos, quod, uti supra dictum est, praeiudicatum haberent, ut omnes fere Interpretes, Disperisionem, perturbatis linguis ortam, et Diuisionem, quae sub ortum Phalegi acciderit, esse eandem, ideo istam quoque, Secessionem Babylonicam, voce הפליגה insigniuisse. Adeoque intelligitis, hunc Rabbiorum errorem nihil morari nostram, vsui loquendi, optimo verborum interpreti accommodatam, interpretationem, quae diuisionem Phalegianam de magna Orbis ruptura, qua regiones a se inuicem abruptae, et inter iectis aquis diuisae sunt, intelligendum esse censet.

At, inquietis VIRI ERUDITISSIMI, etiamsi demus hoc, per Diuisionem, Phalegi tempore factam, intelligendam esse ingentem aliquam terrae ruinam, quomodo eam de clade quadam terrae Americanae accipiendam esse, probabis? tum vero, quibus causis, qua stupenda vi, terram tanti, prope infiniti, spatii euerti potuisse, ostendes? Ego vero puto me habere, quae etiam hic non improbabiler respondeam. Nam causas quidem huius rupturae ducendas esse existimo ab ingenti diluuiio Noachico, quo, perruptis abyssi fontibus, et aquis magna vi prouolutis, terra, maximis motibus concussa, passim dehisceret: tum enim, dubium non est, quin, omnia tenentibus aquis, et aliis aliunde partibus, propter madentem intus et fatiscentem molem auulsis, terrae forma sit plane immutata. Scilicet quod aedibus accidere solet, ut aut vetustate exesae, aut inundatione maceratae, aut terrae motu concussae rimas agant, nutent, concidant; hoc idem terrae moles in illo diluuiio passa esse videtur, ut diluta aquis inundantibus, crebrisque motibus quassata, sensim paulatimque resoluta dilaberetur. Hinc absorptae non modo vrbes, sed totae regiones et insulae: hinc submersi magni continentis tractus penitusque hausti: omnia magni illius et vniuersalis diluuii effecta. Vid. Raius in Obseruatt. Phys. de Mundo c. 5. et Burnetius in Theor. Tell. c. 7. sqq. Ut ex innumeris exemplis aliquot tantum, maxime notabilia illa, eligam, in primis infamis est illa clades, quam circa Olympiadem C. totam fere Achaiam concussisse, pluribus ciuitatibus, Bura praefertim et Helice, deuoratis, auctor est Diodorus Sic. L. XV. p. 363. seq. Et Apuleius (de Mundo p. 408. Ed. Colu.) „Immodicis, inquit, tremoribus terrarum dissiluisse humum, et interceptas vrbes cum populis saepe cognouimus. Audiuimus etiam abruptis imbribus prolutas esse totas re-

X:

„giones. Orientis regiones Phaetontis ruina, in Occidentis plagis
 „scaturigines quaedam ac proluuiones easdem strages dedere.„ Sic
 satis constat, Siciliam ab Italia, Cyprum a Syria, a Boeotia Euboeam
 esse auulsam. Plinius H. N. II. 88. Inprimisque notatu dignum est, quod
 de Insula Taprobane, Zeilan hodie vocant, referunt vicini Malabari;
 coniunctam eam olim fuisse Maldiuus, verum aliquando totum illud,
 quod nunc intercedit, spatium oceani faucibus esse absorptum. Vid.
 tamen Vossius ad Melam L. III. c. VII. p. 570. fqq. Quod igitur aliis
 utique terris et insulis accidisse videmus, ut aut terra continenti ab-
 scinderentur, aut Oceano absorberentur, hoc Americae quoque fa-
 ctum esse, cur non credamus?

Atque hoc extra dubium ponere mihi videtur nobilis illa, apud
 Platonem in Timaeo T. III. p. 24. Ed. Serr. insula Atlantis. Refert
 ibi Plato, ex ore Solonis, qui id a Saiticis Sacerdotibus, omnis antiqui-
 tatis promissis condidit didicerat, iacentem in mari Atlantico insulam,
 tota Africa et Europa maiorem, aliquando terrae motibus et ingenti
 aquarum proluvie concussam subsedisse et disparuisse. Straboni, ma-
 xime idoneo harum rerum iudici, eique minime credulo, hoc tam
 verum visum fuit; ut, cum Posidonium in plurimis refelleret, hoc re-
 cte, laudaret, ab eo esse positum, terram aliquando attolli, aliquando
 subsidere mutarique variis motibus; *πρὸς δ',* pergit, (L. II. p. 160.)
*καὶ τὸ τῆς πλατῶνος εὖ παρατίθησιν, ὅτι ἐνδέχεται καὶ μὴ πλάσμα
 εἶναι τὸ περὶ τῆς νήσου τῆς Ἀτλάντιδος, περὶ ἧς ἐκεῖνος, ἰσορῆσαι Σό-
 λωνα, Φησί, πεπυσμένον παρὰ τῶν Αἰγυπτίων ἱερέων ὡς ὑπάρχουσα
 ποτὲ ἀφανισθεῖν, τὸ μέγεθος ἐν ἐλάττων ἡπείρου.* Hic autem in-
 sulae ἀφανισμός ita intelligendus esse videtur, ut non tota illa terra,
 Africa et Asia simul maior, absorpta sit ab Oceano, sed insignis tan-
 tum pars, quantum nempe spatii inter Nouum Orbem (hanc enim esse
 Platoniam Atlantidem, vix dubium est) et Veterem extendatur: quo
 facto, tota insula, altera quippe eius parte, ut facile intelligitur, lon-
 gius remota quam ut conspici posset, tota inquam, periisse credita
 est. Ita concidit etiam difficultas ea, quam mouet Doctiss. Wesselin-
 gius ad Diodorum Sic. L. V. p. 344. quum, optime, ait, conue-
 nire Platonis Atlantidem cum America, nisi eam fluctibus haustam
 prorsus disparuisse dicat Plato. Omnino autem Atlantidem hanc
 esse Americam, plurimis Doctiss. Viris, Ruperto, ad Valer. Max. IV. 4.

Er.

Er. Schmidio, in Diff. de America: Perizonio, ad Aelian. V. H. III. 18. inprimisque Lipsio Physiol. Stoic. L. II. Diff. XIX. certum indubitatumque visum fuit; et sunt rationes non poenitendae, situs, magnitudo insulae, felicissimus terrae habitus, et multa alia, quae credere hoc non tam suadent, quam cogunt. Fatendum quidem est, multa accessisse illi narrationi fabulosa, ut fieri solet in rebus antiquis: verum ideo non omnia sunt pro falsis reiicienda. Scilicet semper latet aliquid veri sub fabulis, sed saepe ita reconditum illud, ut vix erui possit. Quid igitur mirum, si etiam in hac vetustissima, de Insula Atlantica, traditione multa sint, quae minus cum veritate consentire videantur. At verum sit, quantum libet, (ut Witsii Miscell. T. II. Exerc. XIV. §. XLV. verba mea faciam,) certe hoc ex illo Platonis sermone manifestissime apparet, vetustissimis temporibus Americam Africae et Europae fuisse propiorem, sed aliquando terrae motu et inundatione interruptam plane ex hominum conspectu euanuisse.

Iam probata submersae Atlantidis seu Americae veritate, quo tempore facta sit ista eius iactura, et num ad Phalegi tempora adscendat, videamus. Atque hic ipsi intelligitis, AMICI, quam in scopuloso itinere ac loco verfer, cum propter nimis exiles antiquorum monumentorum reliquias nihil difficilius sit, quam eorum temporum designatio. Antiquissimis tamen, neque diu a diluvio vniuersali remotis temporibus accidisse eam submersionem, haec probant, quod Solon, cum, Sacerdotes Aegyptios ad colloquium de antiquis temporibus prouocaturus, mentionem iniiceret Phoronei, Inachi filii, et Niobes, qui floruerunt fere circa Abraami tempora, tanquam temporum valde antiquorum, (quod etiam notauit Eusebius in Chronico ad ann. Abr. CCXI.) irrisus est, exprobrataque ei Graecorum in rebus antiquis ignorantia (ὁμῆϊς δὲ ἑλλήνες αἰεὶ παῖδες, γέρον δὲ ἑλλήν ἐδδεις,) a summo Sacerdote, nomine Patenit, longe alia, de ratione temporum priscorum, et facta inprimis tum terrae Atlanticae in Oceano iactura, edoctus. Cyrillus quidem, adu. Iulianum L. I. p. 10. Ed. Lips. diluuium Noemiticum existimat obscure a Platone innui, ut qui Sacerdotes inducat referre Soloni, quod haec Atlantidis inundatio ante diluua, Graecis nota, Deucalionem puta, Ogygium etc. facta sit. Atqui, nullum, ait, antea fuisse aliud diluuium, quam vniuersale Noachicum: itaque hinc efficit, hoc ipsum esse intelligendum.

XII

Verum refellitur quodam Diodori Siculi L. V. p. 223. testimonio, qui veterem aliquam Samothracum, antiquissimarum gentium, refert traditionem, ex qua apparet, ante illa Graecis nota diluuiā apud se ingentem fuisse inundationem, cum, Bosporo et Hellesponto per-ruptis, Pontus ingentem vim aquarum effunderet, et obuia quaeque fluctibus demergeret. Verba haec sunt : οἱ δὲ Σαμοθράκες ἰσοῦσι πρὸ τῶν παρὰ τοῖς ἄλλοις γενομένων κατακλισμῶν, ἕτερον ἐκεῖ μέγαν γενέσθαι, τὸ μὲν πρῶτον τῷ περὶ τὰς Κυανέας σώματος ῥαγέν-τος, (quae etiam fuit Stratonis sententia, vid. Strab. L. I. p. 85.) μετὰ δὲ ταῦτα τῷ ἐλλάσποντῳ· τὸ γὰρ ἐν τῷ πόντῳ πέλαγος, λίμνης ἔχον τάξιν, μέχρι τοσούτου πεπληρωσθαι διὰ τὸν εἰσρέοντων ποταμῶν, μέχρις ὅτε διὰ τὸ πλήθος παρεκχυθὲν τὸ ρεῦμα λαβρῶς ἐξεπέσειν εἰς τὸν ἐλλάσποντον, καὶ πολλὴν μὲν τῆς Ἀσίας, τῆς παρὰ θάλατταν, ἐπέκλυσεν. Videtis, VIRI DOCTISSIMI, Samothracas idem praedicare de Hellesponti et Bospori inundatione, quod de Atlan-tidis ruina Sacerdotes Saitici, factam eam esse diu ante nota Graecorum diluuiā. Quid vero, si vtramque hanc inundationem, in vnum tempus coniectam, iisdem violentis terrae concussionibus, iisdem pro-ruentium aquarum fluctibus daremus? Num nimis a vero aberrare-mus? mihi non videtur. Atque sic quidem optime constaret, amicis-simeque conspiraret nostra opinio cum B. Loescheri (loc. supra laud.) coniectura, qui hanc ipsam Hellesponti inundationem nomen dedisse Phalego opinabatur.

At, erunt haud dubie, qui, cum inter diluuium Noachicum et Natales Phalegi vix C. annorum spatium intercedat, breuius id esse putent, quam vt credi possit, tam paucis annis tot gentium condito-res e tribus Noachi filiis esse propagatos, vt per Africam in Ameri-cam vsque penetrare possent. At mirum hoc aut incredibile vide-bitur nemini, qui cogitauerit, esse hoc singulari Dei cura et prouiden-tia factum, vt genus humanum tum augeretur subito, quo citius orbis, vnice hominum causa facti, vastitas incolis repleretur. Quod si ponas, singulis annis singulos generasse, et eandem natis tribuas ab anno aeta-tis XX. foecunditatem, potuerunt isto seculo nasci multa millia homi-num. Possumus ad hanc multitudinem probandam egregie vti Dia-grammate propagationis hominum, quod Petauius Doctr. Temp. IX. 14. exhibet eo consilio, vt, idoneum fuisse hominum numerum, Secu-lo II.

lo II. post Diluuium, tot regnis, quot dicantur, condendis, ostendat. Neque parum nos adiuuet diligentia Iac. Vsserii Chronol. S. c. XI. p. 63. sq. quam posuit in demonstrando illo ingenti intra CC. annos Israelitarum, in Aegypto, incremento. Ex his rationibus satis apparere puto, non esse timendum, ne Seculi a Diluuiio vsque ad natiuitatem Pelegi spatium tot gentium auctoribus et incolis producendis non suffecerit.

At, cum exstructio turris Babylonicae et secuta illam Dissipatio hominum, ex vulgari quidem ratione, Natales Phalegi vix anno praecedat, quomodo fieri potuit, vt incolae intra illud anni spatium vsque in Americam peruenirent? Antequam huic difficultati tollendae manus adiicimus, ante omnia constituendum nobis esse videmus hoc, vt quo tempore turris Babylonica aedificatio, et orta inde humani generis separatio acciderit, quantum fieri potest, teneatur. Summi quidem Chronologi omnes collocant eam in annum a diluuiio CI. quo Peleg natus est: sed quonam argumento nixi? nempe falsissimo illo, et a nobis iam refutato, quod diuisionem Phalegianam cum Distractione Babylonica permiscant. „*Tempus, inquit Bochartus* Phaleg. I. 10. quo turris Babylonica condita est, satis determinat Moses Gen. X. 25. quia in eius diebus terra diuisa est, quod idem est, ac si dixisset, terram fuisse diuisam, quo tempore Phalegus natus sit: Nascenti enim a Patre nomen inditum. Phaleg autem natus est anno post Diluuium CI. vt constat, ex Gen. X. 11-16. Itaque eo anno hominibus dispersis diuisa est terra. Alio argumento vtitur Shukford in Harm. Hist. S. et Prof. Vol. I. p. 71. et 99. qui turrem Babyl. exstrui coepisse anno M. C. 1736. colligit e testimonio Eusebii, in Chron. p. 11. ἀρχάμενοι, αϊεντις, βψλς ἔτει οἰκοδομῆν τὸν πύργον. In quo tamen numero manifestum errorem esse dicit, βposito pro α: emendatque adeo αφλς. Sed contine manum, Shukforde! male emendas. Scilicet Eusebius sequitur rationem, non textus Ebraici, sed τῶν ὁ, aliter sane, quam ab initio sui operis promiserat; vid. Scaliger in Animadu. ad Euseb. p. 12. et in Notis ad Graeca p. 3. Verum, agite, reuocemus illum annum 2736. Eusebii et τῶν ὁ, ad annum Chronologiae Ebraicae. Dicit Eusebius, coeptam turris Babylonicae exstructionem anno 2736. per quadraginta annos durasse, ad annum nempe 2776. Verba eius haec sunt: ἀρχάμενοι τῷ καθολικῷ βψλς ἔτει οἰκοδομῆν τὸν πύργον, ἔμειναν οἰκοδομῆντες ἐπὶ ἑτὶ μί, ἐὼς τῷ κοσμικῷ βφος, ἐν τέτῳ γὰρ τῷ ἔτει διεσπάρησαν ὑπὸ τῷ θεῷ εἰς πάσαν τὴν οἰκωμένην, quod

XIV

idem Eusebius paulo ante dixerat accidisse in ortu Phalegi. Respondet igitur annus Eusebii 2776. anno Ebraicae rationis 1757. Iam demitis utrique rationi 40. illis, in aedificando consumptis, annis, remanent Eusebii annus 2736. et vulgaris s. Ebraicae Chronologiae annus 1717. Hoc igitur anno M. C. 1717. qui est annus Mundi Diluvio Perditi 60. turris Babylonica aedificari coepta est. Iam ponamus annos 20. etiam 30. in exstruenda turri effluxisse, cum Deus prohibito linguae confortio dissiparet homines, (nam quod Eusebius 40. annos constituit, id fecit propterea, ut tempus ab anno, quo fundamenta condendae turris posita sunt, extenderetur ad Natales Pelegi) et intercedunt inter Dispersionem hominum et Disruptionem Phalegianam, 10. et plures anni. Quae cum ita sint, an negabimus, intra decennium et ultra potuisse homines longe latissimeque sedes transferre suas, et in remotissimis terris figere? an incredibile erit, quasdam familias etiam in Americam, reliquo Orbi tum adhuc adnexam, peruenisse? praesertim si cogitauerimus, singulare Dei, numen ac providentiam in toto illo Diffusionis negotio intercessisse.

Namque separationem istam, non per sortes Rhinocolurae iactas, uti tradit Epiphanius in Haeresi Manich. §. 83. inductus versione LXX. virali apud Esaïam XXVII. 11. factam esse, sed *θελάτω* quodam impetu diuinitusque procuratam, Act. XVII. 26. conf. Deuter. XXXII 8. ita ut arcano quodam motu in orbis partes remotissimas agerentur, rectissime statuunt Heideggerus in Hist. Patriarch. Exerc. XXII. §. 10. et Bochartus in Phaleg. I. 6. qui simul adprime admonent, verisimile maxime esse, non singulos homines, (sic enim periisset societas) sed singulas familias linguam habuisse peculiarem; aut certe iis familiis communem fuisse dialectum, quas in futura dispersione voluerit Deus in vnam coloniam coalescere. Atque hoc mihi Moses etiam videtur indicare voluisse, cum diceret, Gen. X. 5. dispersas esse gentes secundum linguas suas et familias. Idem enim hoc est, ac si dixisset, vnamquamque familiam pro ea lingua, quam in confusione Babylonica accepisset, ab altera secessisse.

At dispersio ista tarde, et paulatim, neque statim, in regiones valde remotas, sed propiores tantum facta est. Quae enim ratio, quae necessitas, ut in longe disitis abirent, suppetente in propinquioribus satis amplo ad commodè habitandum spatio?

tio? Nonne videmus Abraamum et Iacobum, Gen. XIII. 9. seqq. XXVII. II. seqq. longo tempore post, in itineribus suis ipsam Syriam et Cananaeam, regiones maxime propinquas, non modo non referas incolis, sed valde etiam vacuas offendisse? Speciosa utique oratio. Neque ego magnopere contenderim, statim in omnes eas terrae partes, quae memorantur Gen. X. Thraciam, Graeciam, Insulas maris etc. fuisse migratum: Refellit enim hoc profana historia, ex qua Graeciam, aliquanto post demum habitari coepisse, scimus. Interim tamen neque hoc negari potest, a quibusdam familiis satis remotas regiones statim esse occupatas. Satis constat, ipsum Chammum *) cum familia sua abiisse Aegyptum (quae ideo ab auctore suo *Χαμεία* audit Ps. LXXVIII. 51. CV. 23. atque Plutarcho in Iside) regnumque ibi condidisse, cuius antiquitas non cederet Babylonico: vnde etiam Reges Aegypti vocantur Eſa. XIX. II. מלכי קדם, *reges antiquissimi*; eadem ratione, uti gens Babylonica Ierem. V. 15. גוי מעולם הוא, *quae ab aeterno fuit*. Eadem fuit regni Assyriaci antiquitas, quod ab Assure statim post dispersionem conditum est Gen. X. II. Quid, quod illa ipsa loca, Gen. XII. 9. fqq. XXVIII. II. fqq. quae oppugnare videntur nostram sententiam, eam egregie confirmant? Quod enim tempore adhuc Abraami et Iacobi in propinquis regionibus, Syria et Cananaea valde rarae longeque a se invicem remotae sedes fuere hominum, quid aliud indicat, quam homines ex uniuersali separatione quam longissime latissimeque abiisse? Nihil itaque impedit, quominus etiam Americam, intercedente inprimis diuina prouidentia, eiusmodi colonia impletam atque cultam fuisse statuamus tum, cum Pelegi tempore נפלגה הארץ h. e. America a reliquo terrarum orbe diuelleretur.

Haec sunt, VIRI DOCTISSIMI, AMICI SVAVISSIMI, quae de Diuisione Phalegiana, ex mente Cl. BENNELII, pro ingenii mei tenuitate, disserere potui. Animus erat, isthaec argumenta ex ordine ad

*) „Quae enim esset causa, *verba sunt Vitrinae ad Eſa.* p. 536. Ed. Frœf., „quare Aegyptus potius dicatur terra Chami, quam Arabia, Phoenicia, „Aethiopia, Libya aliaeque terrae a progenie Chami infessae? Nulla certe, nisi quod Chamus ipse in Aegyptum venerit, ibique in Thebaide, „sedes fixerit, vnde Thebae Ebraeis vocantur כנען אמון, *Sedes Ammonis*, „i. e. Chami, Diodoro autem Siculo L. I. p. 110. Ἀμμωνία, Ἀμμωνία.

XVI

ad examen reuocare: Sunt e-
 litate in contrarium dici possi-
 Scriptoribus ita hospes est, v-
 verbis existimet, vt non inter-
 primerent. ~ Nec dum illa lo-
 ficatione afferuntur, ita clara
 interpretatione acquiescere po-
 tanta re, tam memorabili, ta-
 cutum esse. Neque exempla
 satis probabilem hanc Americ-
 rum exiguum sit, quod perierit
 cum horum argumentorum
 quod huiusce Dissertatiuncu-
 tempus illud differam. V O B
 mo hodiernos honores gratul-
 Largiatur Deus T. O. M. pro-
 mox Res Ecclesiastica magnos
 Etus capiat. Ita V O B I S ex V
 STRA virtus meretur, et nos-
 terem, si quid in hoc die V E
 sic amore V E S T R O nos cor-
 certissimi esse semper potestis



Sunt enim utique, quae non minori probabili-
ci possint. Quis enim in legendis antiquis
est, ut eos ita se adstrinxisse certis atque raris
non interdum paulo rariori voce eandem rem ex-
illa loca, quae pro stabilienda verbi signi-
ta clara et indubitata sunt, ut non in communi
scere possimus. Quis autem credat, Moſen de-
bilibi, tam parum definite, et adeo obscure lo-
exempla ista absorptarum regionum et insularum
Americanae terrae iacturam faciunt; cum illa-
perierit, spatium, huius fere infinitum. Sed
torum accuratius examen prolixius sit, quam
tiunculae finibus contineri possit, ad aliud
VOBIS autem, VIRI CLARISSIMI, ex ani-
es gratulamur, faustosque et felices esse iubemus.
M. prosperos studiis VESTRIS successus, ut
magnos doctrinae VESTRAE virtutumque fru-
tis ex voto eveniant omnia, uti insignis VE-
, et nos ex animo sincero ac pio optamus. Ce-
die VESTRO nobis licet expetere, hoc est, ut
nos complecti pergatis, uti de nostro in vos
potestis

